

Broj: 03-02-2075/2025  
Sarajevo, 23.01.2026. godine

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primijeno: 23-01-2026			
Org. jed.	Eroj	Priloga	Vrijednost
02	-02-	2381	/25

PARLAMENT FEDERACIJE  
BOSNE I HERCEGOVINE

- Dom naroda  
gosp. Tomislav Martinović, predsjedavajući

**VRLO HITNO**

**PREDMET: Izjašnjenje Vlade Federacije Bosne i Hercegovine o amandmanima na Prijedlog zakona o izmjenama Zakona o prijevremenom povoljnijem penzionisanju branilaca odbrambeno-oslobodilačkog rata**

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09, 24/20 i 60/24), u prilogu Vam dostavljam **Izjašnjenje Vlade Federacije Bosne i Hercegovine o amandmanima na Prijedlog zakona o izmjenama Zakona o prijevremenom povoljnijem penzionisanju branilaca odbrambeno-oslobodilačkog rata, koje je u Domu naroda Parlamenta Federacije BiH podnio Amir Orlović, delegat (2 amandmana), a koje je Vlada Federacije Bosne i Hercegovine utvrdila na 276. hitnoj sjednici, održanoj 23.01.2026. godine.**

Izjašnjenje se dostavlja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

**Co: Federalno ministarstvo za pitanja boraca i invalida odbrambeno-oslobodilačkog rata  
gosp. Nedžad Lokmić, ministar**

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09, 24/20 i 60/24), nakon razmatranja amandmana na Prijedlog zakona o izmjenama Zakona o prijevremenom povoljnijem penzionisanju branilaca odbrambeno-oslobodilačkog rata, koje je u Domu naroda Parlamenta Federacije BiH podnio Amir Orlović, delegat (2 amandmana), Vlada Federacije Bosne i Hercegovine je, na 276. hitnoj sjednici, održanoj 23.01.2026. godine, utvrdila:

### IZJAŠNJENJE

**o amandmanima na Prijedlog zakona o izmjenama Zakona o prijevremenom povoljnijem penzionisanju branilaca odbrambeno-oslobodilačkog rata, koje je podnio Amir Orlović, delegat u Domu naroda Parlamenta Federacije BiH**

### AMANDMAN I

U članu 7. stav (1) Zakona o prijevremenom povoljnijem penzionisanju branilaca odbrambeno-oslobodilačkog rata („Službene novine Federacije BiH“, broj: 41/13., 90/17. i 29/22) stav (2) se mijenja i glasi:

„(2) Ukoliko je korisnik prava na penziju iz člana 3. i 4. ovoga zakona zasnovao radni odnos i penzija mu se za to vrijeme nije isplaćivala, sa danom prekida radnog odnosa izvršiti će se ponovni izračun na način što će se na iznos penzije prije zasnivanja radnog odnosa primijeniti sva povećanja koja su nastala za vrijeme kada penzija nije isplaćivana i u obzir će mu se uzeti i novoostvareni staž osiguranja u skladu sa ovim Zakonom.“

U stavu (4) iza riječi „člana 3.“ dodaje se tekst: „i člana 4.“.

### IZJAŠNJENJE

#### **Amandman se ne prihvata** **OBRAZLOŽENJE**

Vlada Federacije BiH je, na 63. sjednici održanoj 23.12.2025. godine utvrdila i Parlamentu Federacije na usvajanje po skraćenom postupku uputila Prijedlog zakona o izmjenama Zakona o prijevremenom povoljnijem penzionisanju branilaca odbrambeno-oslobodilačkog rata. Razlog za izmjenu prevashodno je što je određene odredbe Zakona o prijevremenom povoljnijem penzionisanju branilaca odbrambeno-oslobodilačkog rata potrebno uskladiti sa Prijedlogom zakona o izmjenama i dopuni Zakona o penzijskom i invalidskom osiguranju, a kako isplate penzija za branilačku populaciju ne bi bile umanjene i kako pripadnici branilačke populacije nakon stupanja na snagu Zakona o izmjenama i dopuni Zakona o penzijskom i invalidskom osiguranju zbog toga ne bi trpili štetne posljedice.

Dakle, predlagač je već predvidio brisanje člana 8. Zakona o prijevremenom povoljnijem penzionisanju, te je stoga razmatranje predloženog amandmana bespredmetno. Ujedno napominjemo, da bi se u Parlamentu raspravljalo o navedenom amandmanu, potrebno je uz amandman priložiti izjavu o fiskalnoj odgovornosti, odnosno tačan izračun za eventualne nove korisnike.

Članom 8. Zakona o budžetima u Federaciji BiH propisano je da prijedlozi zakona i drugih propisa i akata planiranja moraju sadržavati fiskalnu procjenu posljedica na budžet iz koje se mora vidjeti povećavaju li se ili smanjuju prihodi ili rashodi budžeta. Naime, članom 42. stav (1) Zakona o budžetima u Federaciji BiH propisano je da prijedlozi zakona, uredbi i drugih akata koje Vlada donosi ili predlaže na donošenje Parlamentu moraju sadržavati procjenu finansijskih efekata na budžet, kao i mišljenje Vlade, ako Vlada nije predlagač zakona. Ovo iz razloga jer se povoljne penzije u skladu sa članom 16. Zakona o prijevremenom povoljnijem penzionisanju branilaca odbrambeno-oslobodilačkog rata finansiraju 50% iz Budžeta Federacije Bosne i Hercegovine.

## AMANDMAN II

U članu 16., stav (5) Zakona o prijevremenom povoljnijem penzionisanju branilaca odbrambeno-oslobodilačkog rata („Službene novine Federacije BiH“, broj: 41/13., 90/17. i 29/22) briše se dio teksta iza riječi: „na uplatu“.

### IZJAŠNENJE Amandman se ne prihvata OBRAZLOŽENJE

Amandman se ne prihvata iz razloga što predlagač nije dostavio izjavu o fiskalnoj procjeni u skladu sa članom 8. Zakona o budžetima u Federaciji BiH kojim je propisano je da prijedlozi zakona i drugih propisa i akata planiranja moraju sadržavati fiskalnu procjenu posljedica na budžet iz koje se mora vidjeti povećavaju li se ili smanjuju prihodi ili rashodi budžeta. Naime, članom 42. stav (1) Zakona o budžetima u Federaciji BiH propisano je da prijedlozi zakona, uredbi i drugih akata koje Vlada donosi ili predlaže na donošenje Parlamentu moraju sadržavati procjenu finansijskih efekata na budžet, kao i mišljenje Vlade, ako Vlada nije predlagač zakona. Ovo iz razloga jer se povoljne penzije u skladu sa članom 16. Zakona o prijevremenom povoljnijem penzionisanju branilaca odbrambeno-oslobodilačkog rata finansiraju 50% iz Budžeta Federacije Bosne i Hercegovine.

V. broj: 102/2026  
23.01.2026. godine  
Sarajevo

